

Халқ сўзи

Ўзбекистон —
кељагаги
буюк
давлат

2023 йил — ИНСОНГА ЭЪТИБОР ВА СИФАТЛИ ТАЪЛИМ ЙИЛИ

1991 йил 1 январдан чиқа бошлаган

WWW.XS.UZ

E-mail: info@xs.uz

2023 йил 15 март, № 52-53 (8395-8396)

Чоршанба

Сайтимизга ўтиш учун QR-кодни телефонингиз орқали сканер қилинг.



ЎЗБЕКИСТОН ПРЕЗИДЕНТИ ТУРКИЙ ДАВЛАТЛАР ТАШКИЛОТИНИНГ ФАВҚУЛОДДА САММИТИДА ИШТИРОК ЭТАДИ

Ўзбекистон Республикаси
Президенти Шавкат Мирзиёев
Туркия Республикаси Президенти
Режеп Таййип Эрдоғанининг таклифига
биноан Туркий давлатлар ташкилотининг
фавқулодда саммитида иштирок этиш
учун 15-16 март кунлари амалий
ташриф билан Анкара шаҳрида
бўлади.

Навбатдан ташқари саммитнинг кун тартибига мувофиқ, фавқулодда вазиятларни бошқариш ва гуманитар ёрдам кўрсатиш борасида кўп томонлама ҳамкорликни ривожлантириш, шунингдек, табиий офатларнинг олдини олиш ва оқибатларини бартараф этиш бўйича саъй-ҳаракатларни мувофиқлаштириш истиқболлари кўриб чиқилади.

Бундан ташқари, саммит давомида халқаро ва минтақавий аҳамиятга молик долзарб масалалар юзасидан фикр алмашилади.

Ташриф давомида қатор икки томонлама учрашувлар ўтказилиши кўзда тутилган.

Таъкидлаш кераки, жорий йилда Туркий давлатлар ташкилотига Ўзбекистон Республикаси раислик қилмоқда. Самарқанд саммитида эришилган келишувларга мувофиқ, савдо, "яшил" иқтисодиёт, инвестициялар, инновациялар, транспорт, логистика, фан, таълим ва маданий-гуманитар алмашинув соҳаларида ўзаро манфаатли ҳамкорликни янада кенгайтиришга қаратилган 30 дан ортқ кўп томонлама тadbирлар амалга оширилмоқда.

Ў.А.

ТУРКИЙ ҚАРДОШЛИК — ЎЗАРО КЎМАК ВА ҲАМЖИҲАТЛИК НАМУНАСИ

Жорий йил 15-16 март кунлари Президент
Шавкат Мирзиёев Анкарада бўлиб ўтадиган
Туркий давлатлар ташкилотининг (ТДТ) фавқулодда
саммитида иштирок этади.

2019 йил октябрь ойида Туркий давлатлар ташкилотининг (собиқ Туркий тили давлатлар ҳамкорлик кенгаши) тўлақонли аъзо-си бўлган Ўзбекистонда туркий давлатлар билан ҳамкорликни ривожлантириш бугунги кунда ҳам мамлакатимиз ташқи сийосатининг устуворликларидан бири ҳисобланади. 2023 йилда Ўзбекистон ушбу ташкилотга раислик қилмоқда. Раисликнинг бошланиши ўтган йили ноябрь ойида "Туркий цивилизациянинг янги даври: умумий тараққиёт ва фаровонлик сари" шиори остида ўтган Туркий давлатлар ташкилотининг Самарқанд саммити билан бошланди.

Расмий Тошкент туркий давлатлар оиласига қўшилганидан сўнг қисқа вақт ичида Ўзбекистон Президенти Шавкат Мирзиёев ташкилотга аъзо давлатлар билан ўзаро ҳамкорликни янада ривожлантириш ва мустақамлаш бўйича 40 дан ортқ ишларга ва таклифларни илгари сурди, улар самарали амалга оширилмоқда.

Ўзбекистон ташаббуси билан халқаролик бирдамлигини янада мустақамлашга йўналтирилган ва тарих, тил, маданият ҳамда анъаналар муштараклигига асосланган ҳолда 2023 йил "Туркий цивилизациянинг юксалиши йили", деб эълон қилинди.

Ўтган йилнинг ноябрь ойида Самарқандда бўлиб ўтган ТДТ саммити маъруз тизимини ўзгариштиришдаги тарихий бурилиш нуқталаридан бирига айланди ва биринчи марта ушбу ташкилот давлат раҳбарларини сифат жиҳатдан янги — Туркий давлатлар ташкилоти форматига тўлақонли ҳамкорлик доирасида бирлаштирди.

Маъруз саммит туркий мамлакатларнинг чуқур интеграциялашув жараёнини бошлаб бергани баробари-

да Ўзбекистоннинг ТДТга раислиги ибтидоси бўлди. Натижада, Қўшма декларация қабул қилинди ва ташкилотнинг иқтисодиёт, транспорт ва институционал-лаштириш соҳаларида бир қатор кўп томонлама ҳужжатлар имзоланди.

Ўзбекистоннинг 2023 йилдаги ТДТга раислигида Самарқандда бўлиб ўтган саммит давомида қабул қилинган "Турк дунёси нигоҳи — 2040" концепциясини ҳамда Туркий давлатлар ташкилотининг 2022 — 2026 йилларга мўлжалланган беш йиллик стратегиясини самарали амалга ошириш давом этмоқда. Хусусан, қуйидаги вазифаларни ҳал қилишга устувор аҳамият қаратилди:

- ташкилотнинг савдо-иқтисодий асосларини мустақамлаш, ТДТнинг улкан транспорт салоҳиятидан самарали фойдаланиш бўйича аниқ ҳаракатларга ўтиш;
- муайян лойиҳаларни ишга тушириш йўли билан сайёҳлик индустрияси, АКТ ва рақамли трансформация ривожланишини рағбатлантириш;
- маданий-гуманитар яқинлашувни, жумладан, халқ дипломатиясидан фойдаланиш йўли билан қучайтириш;
- ёшларни қўллаб-қувватлаш соҳасида ҳамкорликни мустақамлаш;
- ташкилотнинг институционал асосларини такомиллаштириш воситасида унинг самардорлигини ошириш.

Умуман олганда, мамлакатимизнинг ТДТга раислиги даврида 30 дан ортқ тadbирлар ўтказилиши режалаштирилган. Шу ўринда ТДТга аъзо давлатлар ўртасида Ўзбекистон биринчи бўлиб раислик даврида алоҳида Концепция ва Ҳаракатлар режасини ишлаб чиқиш амалиётини жорий этганини алоҳида таъкидлаш муҳимдир.



Ўзбекистон Республикаси Олий Мажлиси Сенатининг ЎТТИЗ САККИЗИНЧИ ЯЛПИ МАЖЛИСИ ТЎҒРИСИДА АХБОРОТ

2023 йил 14 март куни Тошкент шаҳрида Ўзбекистон Республикаси Олий Мажлиси Сенатининг ўттиз саккизинчи ялпи мажлиси бўлиб ўтди.

Сенаторлар "Ўзбекистон Республикаси Конституцияси тўғрисида"ги Ўзбекистон Республикаси Конституциявий қонуни лойиҳаси бўйича референдум ўтказиш ҳақидаги масалани кўриб чиқилди.

Жорий йил 10 март куни Қонунчилик палатаси мажлиси ўтказилиб, унда Конституциявий қонун лойиҳаси бўйича референдумни тайинлаш ва уни ўтказиш тўғрисида қарор қабул қилин-

ди. Қарорда унинг Конституцияга мувофиқлигини аниқлаш учун уни Конституциявий судга юбориш ва унинг ҳулосасини олиш ҳам белги-ланган эди.

Конституциявий суд жорий йил 13 март куни ўз мажлисини ўтказиб, оқоридаги қарорни ўрганиди ва уни Конституцияга мувофиқ деб топди. "Ўзбекистон Республикасининг референдуми тўғрисида"ги Қонунга муво-

фиқ Конституциявий қонун лойиҳаси Сенатда кўриб чиқилди.

Мажлисда таъкидланганидек, конституциявий ислохотлар мамлакат ҳаётининг барча жабҳаларида кечаётган туб ўзгаришларнинг узвий қисми бўлиб, уларнинг мустақам ҳуқуқий асосини яратиш ҳамда Асосий Қонунимизни жамиятдаги бугунги реал воқееларга ва шиддатли ислохотларимиз мантиғига мослаштиради.



Ўзбекистон Республикаси Олий Мажлиси Қонунчилик палатасининг ҚАРОРИ

«ЎЗБЕКИСТОН РЕСПУБЛИКАСИ КОНСТИТУЦИЯСИ ТЎҒРИСИДА»ГИ ЎЗБЕКИСТОН РЕСПУБЛИКАСИ КОНСТИТУЦИЯВИЙ ҚОНУНИ ЛОЙИҲАСИ БЎЙИЧА ЎЗБЕКИСТОН РЕСПУБЛИКАСИ РЕФЕРЕНДУМИНИ ЎТКАЗИШ ҲАҚИДА

Ўзбекистон Республикаси Конституцияси 78-моддаси биринчи қисмининг 3-бандига, «Ўзбекистон Республикасининг референдуми тўғрисида»ги Ўзбекистон Республикаси Қонунининг 13 ва 14-моддаларига мувофиқ Ўзбекистон Республикаси Олий Мажлисининг Қонунчилик палатаси

5. Ўзбекистон Республикаси референдумида овоз бериш бюллетенига қуйидаги матндаги масала киритилсин:

«Сиз «Ўзбекистон Республикаси Конституцияси тўғрисида»ги Ўзбекистон Республикаси Конституциявий Қонунини қабул қиласизми?».

6. «Ўзбекистон Республикасининг референдуми тўғрисида»ги Ўзбекистон Республикаси Қонунининг 14-моддасига мувофиқ ушбу Қарор ҳамда «Ўзбекистон Республикаси Конституцияси тўғрисида»ги Ўзбекистон Республикаси Конституциявий қонуни лойиҳаси Ўзбекистон Республикаси Олий Мажлиси Сенатининг референдуми ўтказиш тўғрисидаги тегишли қарори қабул қилинган кундан эътиборан кечи билан уч кун ичида матбуотда ва бошқа оммавий ахборот воситаларида эълон қилинсин.

7. «Ўзбекистон Республикасининг референдуми тўғрисида»ги Ўзбекистон Республикаси Қонунининг 40-моддасига мувофиқ Ўзбекистон Республикаси референдумида қабул қилинган қонун Ўзбекистон Республикаси Марказий сайлов комиссияси томонидан референдум янқунари расмий эълон қилинган кундан эътиборан қуча қиради.

8. Ўзбекистон Республикаси Марказий сайлов комиссияси Ўзбекистон Республикаси референдумини ташкил этиш ва ўтказиш бўйича чоралар қўрсин.

9. Ўзбекистон Республикасининг Конституциясига мувофиқлигини аниқлаш учун ушбу Қарор Ўзбекистон Республикасининг Конституциявий судига юборилсин.

10. Ушбу Қарор Ўзбекистон Республикаси Олий Мажлисининг Сенатига ва Ўзбекистон Республикаси Марказий сайлов комиссиясига юборилсин.

11. Ушбу Қарор қабул қилинган кундан эътиборан қуча қиради.

Ўзбекистон Республикаси Олий Мажлиси
Қонунчилик палатасининг Спикери

Н.ИСМОИЛОВ

Тошкент шаҳри,
2023 йил 10 март,
№ 3017-IV.

Ўзбекистон Республикаси Олий Мажлиси
Сенатининг Раиси

Т.НАРБАЕВА

Тошкент шаҳри,
2023 йил 14 март,
№ ОК-702-IV.

ЎЗБЕКИСТОН РЕСПУБЛИКАСИ КОНСТИТУЦИЯВИЙ ҚОНУНИНИНГ ЛОЙИҲАСИ

ЎЗБЕКИСТОН РЕСПУБЛИКАСИ КОНСТИТУЦИЯСИ ТЎҒРИСИДА

БИРИНЧИ БЎЛИМ. АСОСИЙ ПРИНЦИПЛАР

1 боб. Давлат суверенитети

1-модда. Ўзбекистон — бошқарувнинг республика шаклига эга бўлган суверен, демократик, ҳуқуқий, ижтимоий ва дунёвий давлат.

Давлатнинг «Ўзбекистон Республикаси» ва «Ўзбекистон» деган номлари бир маънони англатади.

2-модда. Давлат халқ иродасини ифода этиб, унинг манфаатларига хизмат қилади. Давлат органлари ва мансабдор шахслар жамият ва фуқаролар олдида масъулдирлар.

3-модда. Ўзбекистон Республикаси ўзининг миллий-давлат ва маъмурий-ҳудудий тузилишини, давлат ҳокимияти органларининг тизимини белгилайди, ички ва ташқи сийосатини амалга оширади.

Ўзбекистоннинг давлат чегараси ва ҳудуди дахлсиз ва бўлинмасдир.

4-модда. Ўзбекистон Республикасининг давлат тили ўзбек тилидир.

(Давоми 2, 3, 4, 5, 6-бетларда).

1-модда. 1992 йил 8 декабрда ўн иккинчи қақирқ Ўзбекистон Республикаси Олий Кенгашининг ўн биринчи сессиясида қабул қилинган **Ўзбекистон Республикасининг Конституциясига** (Ўзбекистон Республикаси Олий Кенгашининг Ахборотномаси, 1993 йил, № 1, 4-модда; 1994 йил, № 1, 5-модда; Ўзбекистон Республикаси Олий Мажлисининг Ахборотномаси, 2003 йил, № 3-4, 27-модда; Ўзбекистон Республикаси Олий Мажлиси палаталарининг Ахборотномаси, 2007 йил, № 4, 162-модда; 2008 йил, № 12, 637-модда; 2011 йил, № 4, 100-модда, № 12/1, 343-модда; 2014 йил, № 4, 85-модда; 2017 йил, № 4, 134-модда, № 5, 200-модда, № 8, 383-модда; 2018 йил, № 10, 674-модда; 2019 йил, № 2, 47-модда, № 3, 162-модда, № 9, 588-модда; 2021 йил, № 2, 139, 140-моддалар) ўзгариштириш ва қўшимчалар киритилиб, унинг қуйидаги янги тахрири тасдиқлансин:

«ЎЗБЕКИСТОН РЕСПУБЛИКАСИ КОНСТИТУЦИЯСИ МУҚАДДИМА

Биз, Ўзбекистоннинг ягона халқи, инсон ҳуқуқ ва эркинликларига, миллий ва умуминсоний қадриятларга, давлат суверенитети принципларига содиқлигимизни тантанали равишда эълон қилиб, демократия, эркинлик ва тенглик, ижтимоий адолат ва бирдамлик ғояларига садоқатимизни намойён қилиб,

инсон, унинг ҳаёти, эркинлиги, шаъни ва қадр-қиммати олий қадрият ҳисобланадиган инсонпарвар демократик давлатни, оқиқ ва адолатли жамиятни барпо этиш борасида ҳозирги ва келажак авлодлар олдидаги юксак масъулиятимизни англаган ҳолда, давлатчилигимизни ривожининг уч минг йилдан зиёд тарихий тажрибасига, шунингдек жаҳон цивилизациясига бекиёс хисса қўшган буюк аждодларимизнинг илмий, маданий ва маънавий меросига таяниб, мамлакатимизнинг бебаҳо табиий бойликларини қўлайитиришга ҳамда ҳозирги ва келажак авлодлар учун асраб-авайлашга ҳамда атроф-муҳит мусаффолигини сақлашга астойдил аҳд қилиб, халқаро ҳуқуқнинг умумэътироф этилган принцип ва нормаларига асосланган ҳолда, Ўзбекистоннинг жаҳон ҳамжамияти, энг аввало, қўшни давлатлар билан дўстона муносабатларини ҳамкорлик, ўзаро қўллаб-қувватлаш, тинчлик ва тотувлик асосида мустақамлаш ҳамда ривожлантиришга интилиб, фуқароларнинг муносиб ҳаёт кечиришини, миллатлараро ва конфессиялараро тотувликни, кўп миллатли жонажон Ўзбекистонимизнинг фаровонлигини ва гуллаб-яшнашини таъминлашни мақсад қилган ҳолда, ушбу Конституцияни қабул қиламиз ва эълон қиламиз.

